

# **ՎԵՐԱՊԱՏՐԱՍՏՈՂ ԿԱԶՄԱԿԵՐՊՈՒԹՅՈՒՆ`**

**ՀՀ ԿԳՄՍՆ Մարտոռւնու Տ. Աբրահամյանի  
անվան ավագ դպրոց ՊՈԱԿ**

**ՀԵՐԹԱԿԱՆ ԱՏԵՍՏԱԿՈՐՄԱՆ ԵՆԹԱԿԱ  
ՈՒՍՈՒՑԻՉՆԵՐԻ ՎԵՐԱՊԱՏՐԱՍՏՈՒՄ**

## **ԱՎԱՐՏԱԿԱՆ ՀԵՏԱԶՈՏԱԿԱՆ ԱՇԽԱՏԱՆՔ**

**ԹԵՄԱ`** Ուսուցչի համագործակցությունը սովորողների ծնողների կամ նրանց օգնական ներկայացուցիչների հետ` սովորողների կրթության կազմակերպման և ընտանեկան դաստիարակության հարցերում

**ԱՆՑԿԱՑՄԱՆ ՎԱՅՐԸ`** Վայքի ավագ դպրոց,

**ԱՇԽԱՏԱՆՔԻ ՂԵԿԱՎԱՐ`** Կիմա Օհանեսյան

**ՈՒՍՈՒՑԻՉ`** Գեղանի Աթանյան

**ԱՌԱՐԿԱ`** Երաժշտություն

**ԴՊՐՈՑ`** Վայքի հիմնական

**Վայք 2023**

## ԲՈՎԱՆԴԱԿՈՒԹՅՈՒՆ

ՆԵՐԱԾՈՒԹՅՈՒՆ.....	3
ԳԼՈՒԽ 1. ԴՊՐՈՑԻ ԵՎ ԸՆՏԱՆՔԻ ՉԱՄԱԳՈՐԾԱԿՑՈՒԹՅՈՒՆԸ ՈՐՊԵՍ ՍՈՑԻԱԼ-ՄԱՆԿԱԿԱՐԺԱԿԱՆ ՀԻՄՆԱԽՆԴԻՐ.....	6
ԳԼՈՒԽ 2. ԴՊՐՈՑԻ ԵՎ ԸՆՏԱՆՔԻ ԱՐԴՅՈՒՆԱՎԵՏ ՉԱՄԱԳՈՐԾԱԿՑՈՒԹՅԱՆ ԻՐԱԿԱՆԱՑՄԱՆ ՄԱՆԿԱԿԱՐԺԱԿԱՆ .....	9
ԵԶՐԱԿԱՑՈՒԹՅՈՒՆ.....	17
ՕԳՏԱԳՈՐԾՎԱԾ ԳՐԱԿԱՆՈՒԹՅԱՆ ՑԱՆԿ.....	19

## ՆԵՐԱՆՈՒԹՅՈՒՆ

Չետագոտության արդիականությունը: Չայաստանի հանրապետությունում ընթացող սոցիալ-տնտեսական, քաղաքական վերաձևումներն ու զարգացումները իրենց խորը կնիքն են դրել դպրոցի և ընտանիքի փոխհարաբերությունների վրա: Մի շարք դրական տեղաշարժերի հետ զուգահեռ հասարակության մեջ խորանում է սոցիալական շերտավորումը, փոփոխվում են մարդկանց կենսակերպը և որպես դրա հետևանք նկատելի է հոգևոր-բարոյական արժեքների կորուստ:

Ընտանիքը երեխայի սոցիալականացման առաջնային սոցիալ-մշակութային միջավայրն է, այն կարևորագույն սոցիալական ինստիտուտը, որն իրականացնում է մի շարք գործառույթներ՝ սերնդի վերարտադրման, դաստիարակության, զարգացման ու սոցիալականացման: Իհարկե՛, արդի ժամանակաշրջանում ընտանեկան դաստիարակության համակարգը որոշակի փոփոխություններ է կրել. փոխվել է ավանդական հայ ընտանիքի նկարագիրը՝ այսօր արդիական դարձնելով ընտանեկան դաստիարակության, դպրոցի և ընտանիքի համագործակցության հիմնախնդիրը:

Այս տեսանկյունից հանրակրթական դպրոցի հիմնական խնդիրը պետք է լինի ոչ միայն սովորողների կողմից պետական չափորոշիչներով սահմանված գիտելիքների յուրացումը, կարողությունների և հմտությունների զարգացումը, այլև արժեքային կողմնորոշումների, քաղաքացիական որակների ու դիրքորոշումների, ազգային ինքնագիտակցության ձևավորումը, հասարակությանը նպաստ բերող ու ստեղծագործող անհատների դաստիարակումն ու սոցիալականացումը: Այդ խնդիրը արդյունավետորեն կլուծվի միայն դպրոցի մանկավարժական կոլեկտիվի, սովորողների և նրանց ընտանիքների հետ սերտ համագործակցության պայմաններում:

Կրթության օրենսդրական հիմքերում՝ ՀՀ ընտանեկան օրենսգրքում (հոդված 1) սահմանված է, որ. «Ընտանիքը, մայրությունը, հայրությունը և մանկությունը Չայաստանի հանրապետության հովանավորության և

պաշտպանության ներքո են: Պետությունը երաշխավորում է երեխաների իրավունքների առաջնային պաշտպանությունը»[15], երեխայի իրավունքների մասին ՀՀ օրենքում, Հանրակրթության մասին ՀՀ օրենքում ամրագրված են երեխաների իրավունքների պաշտպանության, երեխաների նկատմամբ ծնողների, ուսուցիչների պարտականությունները [5, 13]:

Երկրի սոցիալ-տնտեսական մակարդակը, համացանցով երեխաների աննախադեպ տարվածությունը, կրթության որակի ապահովման, ուսումնադաստիարակչական գործընթացի կառավարման մեջ ծնողների ակտիվ ներգրավման խնդիրը պահանջում է առավել հայեցակարգային մոտեցում, միջոցների և տեխնոլոգիաների որոնում:

Հետազոտության նպատակը սովորողների հետ տարվող ուսումնադաստիարակչական աշխատանքներում դպրոցի և ընտանիքի համագործակցության նոր ձևերի և միջոցների առաջարկումն է:

Հետազոտության օբյեկտը սովորողների հետ տարվող ուսումնադաստիարակչական աշխատանքներում դպրոցի և ընտանիքի համագործակցության կազմակերպման գործընթացն է:

Հետազոտության առարկան սովորողների հետ տարվող ուսումնադաստիարակչական աշխատանքներում դպրոցի և ընտանիքի համագործակցության կազմակերպման ձևերն ու միջոցներն են:

Հետազոտության հիմնախնդիրն՝ օբյեկտին, առարկային համապատասխան սահմանվել են հետևյալ խնդիրները.

1. Բացահայտել և վերլուծել դպրոցի և ընտանիքի համագործակցության վերաբերյալ գիտական գրականությունում առկա տեսական-հայեցակարգային մոտեցումները:
2. Հետազոտությամբ ուսումնասիրել ուսուցիչների, սովորողների ու նարանց ծնողների համագործակցության արդի վիճակը և նրա առանձնահատկությունները, սկզբունքները և դրա հիման վրա առաջարկել դպրոցի և ընտանիքի համագործակցության արդյունավետ ժամանակակից ձևեր և միջոցներ:

3. Մշակել մանկավարժական գիտելիքների հարստացման նպատակով կազմված ծնողական ժողովների, սեմինարների թեմատիկան:

Չետագոտության գործնական նշանակությունը կայանում է նրանում, որ դպրոցի և ընտանիքի համագործակցության մեր կողմից առաջարկվող ձևերն ու միջոցները, ծնողների մանկավարժական գիտելիքների հարստացման նպատակով կազմված ծնողական ժողովների, սեմինարների թեմատիկան կարող են հաջողությամբ օգտագործվել հանրակրթական դպրոցի և ընտանիքի համագործակցության կազմակերպման գործընթացում:

## **ԳԼՈՒԽ 1. ԴՊՐՈՑԻ ԵՎ ԸՆՏԱՆՔԻ ՀԱՄԱԳՈՐԾԱԿՑՈՒԹՅՈՒՆԸ ՈՐՊԵՍ ՍՈՑԻԱԼ-ՄԱՆԿԱՎԱՐԺԱԿԱՆ ՀԻՄՆԱԽՆԴԻՐ**

Ընտանիքը եղել ու մնում է հասարակության կազմավորման հիմքը: Ընտանիքը երեխայի առաջնային սոցիալ-մշակութային միջավայրն է. այն էականորեն ազդում է հասարակության ապագա անդամի, քաղաքացու անձի ձևավորման վրա:

Իր կազմավորման շրջանից սկսած ընտանիքը՝ որպես երեխաների դաստիարակության գործընթացի սուբյեկտ, հիմնականում կատարել է երեք գործառույթ.

- մարդկային ցեղի շարունակության,
- երեխաների դաստիարակության,
- տնտեսությունը համատեղ վարելու:

Անառարկելի է, որ երեխայի վարքի, հոգևոր-բարոյական արժեքների սոցիալականացման, շրջակա միջավայրի ճանաչման, նրա հետ փոխհարաբերությունների, ազգային ավանդույթների և սովորույթների իմացության հիմքերը դրվում են ընտանիքում: Ն.Ի. Դերեկլեևայի բնութագրմամբ. «Ընտանիքը կարելի է համեմատել մեկնարկային հրապարակի հետ, որը որոշում է մարդու կենսական երթուղին: Յուրաքանչյուր մեծահասակ և առաջին հերթին ծնողները, պատասխանատու են այն բանի համար, որ խնդիրները, որոնք երեխան կհանդիպի իր ճանապարհին, կարողանա հաղթահարել արժանապատվորեն ու ազնվորեն» [ 11, էջ 8]:

Ընտանիքի գործառույթներով պայմանավորված՝ փոխվել են նաև ընտանեկան դաստիարակության խնդիրները, որոնց թվին են դասվում՝

- երեխայի կրթության, դաստիարակության և զարգացման համար բարենպաստ պայմանների ստեղծումը,
- երեխայի իմացական, ճանաչողական, ուսումնական գործունեության ուղղորդումն ու վերահսկումը,

- երեխայի մտավոր, բարոյական, հոգևոր, Էկոլոգիական, աշխատանքային, գեղագիտական, ֆիզիկական, իրավական, տնտեսական, սեռական դաստիարակության կազմակերպումը,
- երեխայի սոցիալականացման գործընթացի իրականացումը,
- երեխայի, կենսական դիրքորոշումների և արժեքային կողմնորոշումների, քաղաքացիական որակների, քաղաքացիականության, հայացքների և համոզմունքների համակարգի զարգացումն ու ձևավորումը:

Հայ ականավոր մանկավարժ Յ. Հինդիլյանը դեռևս 19-րդ դարում գտնում էր, որ ընտանիքում պետք է երեխային սովորեցնել ապրելու արվեստը, քանի որ ընտանեկան կյանքը ինքնին մի դպրոց է: Մինևույն ժամանակ նա իրավացիորեն նշում էր, որ դպրոցն ու ընտանիքը երեխայի դաստիարակության վրա ազդող հիմնական գործոններն են: Ուստի դպրոցի և ընտանիքի հիմնական նպատակը եղել և մնում է երեխայի սոցիալական զարգացման համար հարմարավետ միջավայրի և գործունեության պայմանների ստեղծումը[10, էջ 69]:

Արդի ժամանակաշրջանում մեր հանրապետությունում ընթացող սոցիալ-տնտեսական, քաղաքական գործընթացների հետևանքով որոշակի սրվել են ընտանեկան խնդիրները, որոնք, ինչ խոսք բացասականորեն են ազդում երեխաների դաստիարակության ու սոցիալականացման վրա և որոնց հաղթահարումը պահանջում է ընտանիքին դպրոցի շարունակական օժանդակությունն ու երեխայի սոցիալականացման գործընթացի մանկավարժական ուղղորդումը: Միայն դպրոցի և ընտանիքի ակտիվ և կորպորատիվ համագործակցությամբ հնարավոր կլինի հաղթահարել երեխաների դաստիարակության և սոցիալականացման գործընթացում ծագած դժվարությունները, զարգացնել ծնողների հոգեբանամանկավարժական գիտելիքները:

Մանկավարժական համագործակցության ընդհանուր բնութագրի Եությունը հետևյալն է. ուսուցիչ-աշակերտ-ծնող համագործակցությունը որոշում է մանկավարժի ու երեխայի փոխհարաբերությունների բնույթը

ուսումնադաստիարակչական գործընթացում: Այդ համագործակցության ընթացքում է ձևավորվում շրջակա իրականության հետ սովորողների կապերն ու հարաբերությունները, որի ընթացքում, Ժ. Թադևոսյանի բնութագրմամբ. «Ձեռք բերված փորձը, գիտելիքներն ու հաղորդակցման ոճը, դերակատարումներն ու իրենց ըմբռնումները որոշ չափով փոխադրում են «Մեծ» հասարակության և սոցիալական այլ խմբեր» [8, էջ 22]: Այսինքն՝ հենց դրանով է պայմանավորված դպրոցականների արժեքային կողմնորոշումների, քաղաքացիական դիրքորոշումների ձևավորման, ինքնագնահատման, ինքնաիրացման հաջողությունը:

Դպրոց-ընտանիք համագործակցությանը բնորոշ են փոխադարձ աջակցությունը, փոխօգնությունը և փոխգործակցությունը:

Համագործակցության նպատակները, բովանդակությունը, ձևերը, միջոցները մեթոդները, տեխնոլոգիաները (անձնակողմնորոշված, համագործակցային, կոլեկտիվ, նախագծային, խաղային) որոշելիս ուսուցիչն առաջատար դեր ունի: Ուսուցչի իմիջը, հեղինակությունն ու վարքը երեխաների համար պետք է լինեն օրինակ, մոդել:

Ն.Ե. Շչուրկովայի կողմից առաջադրվել են դպրոցի և ընտանիքի համագործակցության հետևյալ սկզբունքները.

- համաձայնություն
- կապվածություն,
- ապրումակցում,
- համամրցակցություն,
- համագործակցություն [9, էջ 193]:

Համաձայնության սկզբունքը ենթադրում է երկու կողմերի պայմանավորվածությունը սովորողների դպրոցական կենսագործունեության կազմակերպման ուղղությամբ:

Կապվածության սկզբունքը ենթադրում է երեխայի կյանքի երկու տարբեր ոլորտների՝ դպրոցի և ընտանիքի փոխադարձ կապը: Նա միավորում է համագործակցությունը երեխայի ձեռքբերումներում:

Ապրումակցման սկզբունքը ենթադրում է գործընկերների համատեղ ապրումները, որոնք դրսևորվում են միմյանց նկատմամբ:



Համամրցակցության սկզբունքը ենթադրում է դպրոցում և ընտանիքում գտնվելու ընթացքում երեխայի կյանքի նկատմամբ փոխադարձ ուշադրություն և հետաքրքրություն:

Համագործակցության սկզբունքը ենթադրում է դպրոցի և ընտանիքի իրական գործունեությունը երեխայի կենսապայմանների բարելավման ուղղությամբ [9, էջ 194-205]:

Մեր կարծիքով այս սկզբունքներին կարելի է ավելացնել նաև հետևյալները.

- սովորողների ուսումնադաստիարակչական գործընթացի կազմակերպման նպատակների, խնդիրների և գործողությունների միասնականացում,
- դպրոցի դաստիարակչական աշխատանքների մեջ ծնողների ներգրավում,
- սովորողների ընտանիքների հետ տարվող աշխատանքներում դպրոցի կառավարման սուբյեկտների՝ տնօրինության, տարրական դասարանների ուսուցիչների, սոցիալական մանկավարժների գործողությունների համաձայնեցում,
- դպրոց-ընտանիք համագործակցության կազմակերպման գործընթացում մանկավարժության ժամանակակից գիտատեսական մոտեցումների և գործնական մանկավարժության ձեռքբերումների ստեղծագործաբար կիրառում,
- մանկավարժական համատեղելիության հաշվի առնում,
- դպրոց-ընտանիք համագործակցությունում ներգրավված բոլոր մասնակիցների՝ ուսուցիչների, ծնողների, երեխաների կարծիքների և դիրքորոշումների, իրավունքների և պարտականությունների հաշվառումը:

Այսպիսով կարող ենք եզրակացնել, որ համագործակցային ուսուցման գործընթացում ընտրվելիք ուսուցման սկզբունքները, մեթոդներն ու ձևերը տարբեր են և առավել կախված սովորողի առանձնահատկություններից, ինչպես նաև այն միջավայրային գործոններից, որոնցից է ընտանիքը:

**ՉԼՈՒԽ 2: ԴՊՐՈՑԻ ԵՎ ԸՆՏԱՆԻՔԻ ԱՐԴՅՈՒՆԱԿԵՏ  
ՀԱՄԱԳՈՐԾԱԿՑՈՒԹՅԱՆ ԻՐԱԿԱՆԱՑՄԱՆ ՄԱՆԿԱՎԱՐԺԱԿԱՆ  
ՊԱՅՄԱՆՆԵՐԸ**

Ռուս մանկավարժ Ն.Ի. Դերեկլենան առաջարկում է ծնողների հետ տարվող կոլեկտիվ աշխատանքի հետևյալ ձևերը՝ ընդհանուր դպրոցական և ընդհանուր դասարանական ժողովներ, մանկավարժական համաժողովներ, ծնողական դասախոսություններ, գործնական խաղեր և բաց դռների օրեր, իսկ որպես ծնողների հետ տարվող անհատական ձևեր՝ այցելություն ընտանիք, անհատական խորհրդատվություն և աշխատանք ծնողների ակտիվի հետ[11]:

Կարծում ենք, որ այս մեթոդաբանական մոտեցումը այլևս համահունչ չէ հասարակության տեղեկատվական-տեխնոլոգիական զարգացման արդի մակարդակին և ժամանակակից մանկավարժական մոտեցումների պահանջներին:

Ուստի հաշվի առնելով դպրոց-ընտանիք համագործակցության վերաբերյալ ժամանակակից սովորողների ուսուցման և դաստիարակության նկատմամբ մարդասիրական, անձնակողմնորոշված, անհատականացված, տարբերակված, մանկավարժ-աշակերտ համատեղելիության ժամանակակից մոտեցումները՝ և ելնելով տարիների մանկավարժական աշխատանքի մեր փորձից՝ մենք առանձնացրել և առաջարկում ենք ուսուցիչների, երեխաների ու ծնողների համագործակցության հետևյալ արդյունավետ ձևերը.

- ծնողական ակտիվի ստեղծումը,
- դպրոցներում ծնողների համար հոգեմանկավարժական պատրաստության կենտրոնների ստեղծումը, որոնցում կլուծվեն ծնողների մանկավարժական գիտելիքների հարստացման, մանկավարժական մշակույթի, առաջացած մանկավարժական խնդիրների լուծման, խնդրահարույց իրավիճակներում կողմնորոշվելու, համագործակցային կարողություններ ձևավորման խնդիրները,
- համադպրոցական, դասարանական ծնողական ժողովները,

- պարբերաբար (երկու շաբաթ մեկ հաճախականությամբ) հատուկ ձևաթղթով ծնողներին աշակերտների ամփոփիչ և ընթացիկ առաջադիմության արդյունքների փոխանցումը,
- մանկավարժական տեղեկատվությունը, որը ներառում է հոգեբանամանկավարժական թեմաներով դասախոսությունները՝ դպրոցի հետ ծնողների ակտիվ փոխգործակցության, ընտանիքում և դպրոցում երեխաների իրավունքների պահպանման, նրանց նկատմամբ ուսուցիչների և ծնողների իրավունքների և պարտականությունների կատարման, նրանց մտավոր գործունեության արդյունավետ կազմակերպման, ռիսկի գործոնների նվազեցման, առողջության պահպանման, ուսուցիչների և սովորողների համատեղելիության, արտադպրոցական գործունեության կազմակերպման, խնդիրների վերաբերյալ,
- ծնողների հետ հոգեբանամանկավարժական հատուկ ծրագրավորված աշխատանքների իրականացումը՝ ծնողական ժողովների, մանկավարժական սեմինարների, հոգեբանական թրեյնինգների, մանկավարժական խնդիրների լուծմանն ուղղված վարժությունների, ռեֆլեքսիայի, դերային խաղերի, մանկավարժական ինքնակրթության միջոցով,
- ծնողների հետ սոցիալական կորպորատիվ նախագծերի կազմումը և իրականացումը,
- ծնողների ծանոթացումը դպրոց-ընտանիք համագործակցության վերաբերյալ մեթոդական գրականությանը,
- ազգային, ընտանեկան և համադպրոցական տոների, բնապահպանական սոցիալական, բարեգործական համատեղ միջոցառումների կազմակերպումը դպրոց-ընտանիք համագործակցության շրջանակներում,
- դպրոցին ծնողների բարեգործական օգնության, համադպրոցական ծնողական համաժողովների, մանկավարժական երեկոների կազմակերպումը,

Իհարկե՛, չի կարելի ասել, որ նշված ձևերը վերջնական են, դրանք անընդատ փոփոխվում և կատարելագործվում են՝ պայմանավորված ծնողական համայնքի առանձնահատկություններով, հասարակության զարգացման մակարդակով և առաջընթացով:

Իհարկե, ժամանակակից հանրակրթական հաստատություններում դպրոց-ընտանիք համագործակցության հիմնական ձևը դասարանական ծնողական ժողովներն են, որոնք միաժամանակ պետք է ծնողների համար դառնան հոգեբանամակավարժական գրագիտության ձեռք բերման դասեր, որոնք պետք է իրականացնել որոշակի թեմատիկայով և ալգորիթմով:

1. Նախապատրաստական մաս-որոշակիացվեն այն հարցերը, որոնք բխում են ուսումնական տարվա սկզբում պլանավորված թեմաներից՝ դասվարի կամ դասուցչի հանդիպում ծնողների հետ, յուրաքանչյուր աշակերտի համար առաջադիմության թերթիկների պատրաստում:

2. Ծնողական ժողովի թեմայի որոշում և սցենարի նախապատրաստում: Ծնողական ժողովների քննարկվելիք հարցերի որոշակիացում:

3. Ծնողների ներկայության ապահովում ծնողական ժողովներին, դասարանի նախապատրաստում ծնողական ժողովի անցկացմանը:

4. Ծնողական ժողովի արդյունքների ամփոփում և հաջորդ ծնողական ժողովի թեմայի քննարկում ծնողների և դասավանդող ուսուցիչների հետ: Դասարանական ծնողական ժողովները պետք է կրեն և՛ ճանաչողական, և՛ կրթական, և՛ գործնական բնույթ: Այսինքն՝ դրանք մինևույն ժամանակ պետք է լինեն ծնողներին մանկավարժական գիտելիքների հաղորդման և գործնականում դրանց յուրացման միջոցառումներ: Ըստ այդմ էլ, ըստ դասարանների, պետք է որոշվեն ծնողական ժողովների թեմատիկան, բովանդակությունը, անցկացման պարբերականությունը, օրինակները, սցենարները, տարբերակները և դրանց իրականացմանն ուղղված գործողությունները:

Ելնելով վերոբերյալից՝ մենք մշակել ենք տարրական դասարաններում ծնողական ժողովների թեմատիկ խմբեր, որոնք ներառում են՝

- թեմաներ, որոնք վերաբերում են ընտանիքի գործառույթներին, ընտանեկան դաստիարակության առանձնահատկություններին, ծնողների մանկավարժական գրագիտության հարստացման, դպրոց-ընտանիք փոխգործակցության, սովորողների և ծնող-ուսուցիչ-աշակերտ համակարգում մանկավարժական հաղորդակցման, տակտի և հարաբերությունների էթիկայի, ծնողների մանկավարժական մշակույթի ձևավորման խնդիրներին,
- թեմաներ, որոնք վերաբերում են կրտսեր դպրոցականների, ուսումնական գործունեության կազմակերպմանը, դասապատրաստման և ազատ ժամանակի կազմակերպմանը, ժամանակակից տեղեկատվական տեխնոլոգիաների, մասնավորապես համացանցի նրանց կյանքում ունեցած դերի ու նշանակության բացատրմանը, ինչպես նաև դրանց բացասական ազդեցության կանխարգելման մանկավարժական պայմաններին,
- թեմաներ, որոնք վերաբերում են ուսուցման գործընթացում սովորողների իմացական, ստեղծագործական, հետազոտական, նախագծային, ընթերցանական կարողությունների, խոսքի մշակույթի զարգացման, դասապատրաստման դժվարությունների հաղթահարման խնդիրներին,
- թեմաներ, որոնք վերաբերում են սովորողների ֆիզիոլոգիական, հոգեբանական զարգացման, առողջարարահիգիենիկ պայմանների ապահովման, սոցիալականացման, առողջ ապրելակերպի հարցերին:

Սովորողների հետ տարվող ուսումնադաստիարակչական աշխատանքների համատեքստում դպրոց-ընտանիք համագործակցության, ծնող-երեխա փոխգործակցության արդյունքների որակի ցուցիչներ կարելի է համարել սովորողների կրթվածության որակը, դասվարների, դասվարական մեթոդական մասնախմբերի և դպրոցի կառավարման այլ սուբյեկտների մանկավարժական մասնագիտական

կոմպետենտությունը, ծնողների հոգեբանամանկավարժական գիտելիքների բարձր մակարդակը:

Ուսուցիչները և ծնողները քաջատեղյակ պիտի լինեն, որ մանկավարժական փոխգործակցության արդյունքում և՛ ծնողների, և՛ երեխաների հոգեկանում առաջ են գալիս նորագոյացություններ: Այսպես, օրինակ՝ Մ.Ա. Ասատրյանը նշում է որ. «Դպրոցամուտը, որը բնութագրվում է իբրև ճգնաժամային հոգեբանական ու կազմաբնախոսական զարգացման նշանակալի շրջան երեխայի կյանքում, նաև մեծագույն իրադարձություն է, ոչ միայն երեխաների, այլև ծնողների համար» [2, էջ 54]:

Նորագոյացություններ են նաև դպրոցական ռեժիմին, ընկերների խմբին, ուսուցիչների պահանջներին հարմարվելը: Ընդհանրապես առաջին դասարանցիները դպրոցին հարմարվելու գործընթացում կրում են ֆիզիոլոգիական և հոգեբանական դժվարություններ: Այդ իսկ առումով ուսուցիչները ոչ միայն իրենք պետք է իմանան դպրոցականների մտածական գործունեության առանձնահատկությունները, ճանաչեն երեխայի հուզաշխարհը և նրա նշանկությունը երեխայի զարգացման մեջ, այլև ծնողներին հաղորդեն գիտելիքներ այդ գործընթացների մասին: Այս առումով մեծ աշխատանք պետք է տանի դասվարը, որի աշխատանքի հիմնական ուղղություններից մեկը պետք է լինի մանկավարժական դիագնոստիկան: Ն.Ի. Դերեկլեևան նշում է. «Առանց հոգեբանամանկավարժական դիագնոստիկայի հնարավոր չէ կառուցողական ձևով պլանավորել դաստիարակչական աշխատանքը դասարանական կոլեկտիվում և կարգավորել ծնողների հետ տարվող աշխատանքը» [12, էջ 52]:

Մեր հետազոտության ընթացքում առանձնացվել են մի շարք մանկավարժական պայմաններ, որոնք նպաստում են ուսուցիչների և ծնողների համագործակցության, երեխաների և ծնողների փոխգործակցության արդյունավետության բարձրացմանը:

Այդ պայմաններից ենք համարում.

- ուսուցչի մարդասիրական կողմնորոշումը,

- ուսուցիչ-աշակերտ, ուսուցիչ-ծնող, ծնող-երեխա համակարգում փոխվաստահության մթնոլորտի ապահովումը, համատեղ գործունեության մեջ փոխըմբռնումը,
- համաստեղծագործական-կրթական միջավայրի ստեղծումը,
- ուսուցիչների կոմպետենտությունը,
- փոխօգնության և փոխադարձ բարյացկամության մթնոլորտի ապահովումը,
- քաղաքացիական, մարդասիրական դաստիարակության գաղափարների քարոզումը,
- կողմերի դաստիարակչական ներուժի օբյեկտիվ գնահատումը,
- ժողովրդավարական սկզբունքների զարգացումը փոխհարաբերություններում, առաջացող հիմնախնդիրների արդյունավետ, կառուցողական քննարկումը,
- ընդհանուր համաձայնության ձգտումը դաստիարակչական գործընթացի բոլոր փուլերում,
- կողմերի ներգրավվածությունը ստեղծագործական, դաստիարակչական գործընթացում:

Այսպիսով, մեր հետազոտության արդյունքում մենք բացահայտեցինք և որոշակիացրինք դպրոցի և ընտանիքի համագործակցության առանձնահատկություններն ու սկզբունքները և նրա արդյունավետության վրա ազդող կարևոր գործոնները, մանկավարժական պայմանները, միջոցներն ու ձևերը, որոնց բնութագրումը կտրվի հաջորդ ենթագլխում:

Հանրակրթական դպրոցում կրթության բովանդակության բարդացման, սովորողների ուսումնական ծանրաբեռնվածության օր-օրի ավելացման արդի պայմաններում, ոչ միայն դպրոցը, այլև երեխաներն են զգում ծնողների մանկավարժական գրագիտության անհրաժեշտությունը: Ծատ ծնողներ՝ հատկապես մայրերը ստիպված երեխաների հետ սովորում և սովորեցնում են իրենց երեխաներին, իսկ դրա համար անհրաժեշտ են ոչ միայն առարկայական գիտելիքներ, այլև ուսուցման մեթոդների և տեխնոլոգիաների իմացություն:

Արդի ժամանակշրջանում հասունացել են արդեն ընտանիքի դերի և ընտանեկան դաստիարակության որակի ապիովման, երեխաների սոցիալականացման անհրաժեշտ պայմանների ստեղծման, դպրոցի և ընտանիքի համագործակցության, մանկավարժական աջակցության նոր ձևերի, միջոցների, տեխնոլոգիաների խնդիրների լուծումը:

Ըստ մեզ՝ ծնողներին մանկավարժական աջակցության բովանդակությունը պետք է լինի հետևյալը՝

- տեսական պարապմունքներ՝ ծանոթացում ուսուցման սկզբունքներին, մեթոդներին, ձևերին,
- գործնական պարապմունքներ՝ մանկավարժական խնդիրների լուծում, հաղորդակցման ձևեր, էքսկուրսիաների պլանավորման և նախապատրաստման աշխատանքներ:

Մեր կարծիքով ժամանակակից ընտանիքին մանկավարժական աջակցությունն ունի իր առանձնահատկությունները, որոնցից են՝

1. ծնողների տիպաբանության հաշվառումը,
2. ծնողների մանկավարժական օգնություն ստանալու և մանկավարժական գիտելիքների ձեռք բերելու պահանջմունքը,
3. ընտանիքում ծնողների երեխաների հետ փոխգործակցության մեջ ծագած հակասությունների բնույթը,
4. ընտանեկան դաստիարակության ոճերը:

Վերը նշված առանձնահատկությունների հիման վրա դասվարական մեթոդական մասնախմբերի կողմից պետք է մշակվի մանկավարժական աջակցության ծրագիր՝ ներառելով այն դպրոցի ծնողների հետ տարվող ընդհանուր աշխատանքային պլանում:

Ծնողների հետ կրթական տարբեր ծրագրերի իրականացումը ենթադրում է տարբեր տեխնոլոգիաների կիրառում՝ խաղային, համագործակցային, կոլեկտիվ, նախագծային:

Ուսումնասիրությունները ցույց տվեցին, որ տարրական դպրոցի և ընտանիքի համագործակցությունը մանկավարժական գործընթացում ենթադրում է հակադարձ կապի ապահովում և տեղեկատվության փոխանակում: Այս գործընթացի արդյունավետությունը



պայմանավորված է մանկավարժի կոմպետենտության և հաղորդակցման մշակույթի բարձր մակարդակով:

## **Ե Ձ Ր Ա Կ Ա Ց ՈՒ Թ Յ ՈՒ Ն**

Սովորողների հետ տարվող ուսումնադաստիարակչական աշխատանքներում դպրոցի և ընտանիքի համագործակցության հիմնախնդրի վերաբերյալ գիտական գրականությունում առկա տեսությունների, հայեցակարգային մոտեցումների վերլուծությունը և մեր հետազոտության արդյունքները թույլ են տալիս ձևակերպել հետևյալ եզրակացությունները.

1. Տեղեկատվական-հաղորդակցական, թվային տեխնոլոգիաների զարգացման արդի մակարդակը, համացանցով երեխաների անսախառնեց տարվածությունը պահանջում է սովորողների հետ տարվող ուսումնադաստիարակչական աշխատանքներում դպրոցի և ընտանիքի համագործակցության նոր ձևերի, միջոցների, տեխնոլոգիաների մշակում և ներդրում: Արդիական են դառնում դրանց կիրառման գործընթացի բովանդակության ռազմավարական նախագծումը և այդ գործընթացի արդյունքների մշտադիտարկումն ու հայտորոշումը:

2. Դպրոցի և ընտանիքի համագործակցության ձևերը, միջոցներն ու տեխնոլոգիաները պետք է դիտարկել որպես սովորողների հետ տարվող ուսումնադաստիարակչական աշխատանքների արդյունավետ իրականացման կարևորագույն գործոններ:

3. Հետազոտության առաջադիր խնդիրների իրականացման համար բացահայտվել և բնութագրվել են դպրոցի և ընտանիքի համագործակցության կազմակերպման վերաբերյալ ժամանակակից մանկավարժական մոտեցումները, ուսուցիչների, սովորողների ու նրանց ծնողների համագործակցության իրականացման հնարավորությունները, նպատակները, խնդիրները, բովանդակության ձևերն ու միջոցները, դրանց վրա ազդող գործոնները ՀՀ հանրակրթական դպրոցներում :

4. Հիմնավորվել է, որ դպրոցի և ընտանիքի համագործակցությունն իրականացվում է անհրաժեշտ մանկավարժական պայմանների ապահովման և որոշակի սկզբունքների ու առանձնահատկությունների հաշվառման, մանկավարժական խորհրդատվության կազմակերպման հիման վրա:

## **ՕԳՏԱԳՈՐԾՎԱԾ ԳՐԱԿԱՆՈՒԹՅԱՆ ՑԱՆԿ**

1. Ասատրյան Լ.Թ., Սարգսյան Փ. Ա., <Նախադպրոցական և կրտսեր դպրոցական տարիքի երեխաների Էկոլոգիական կրթությունն ու դաստիարակությունը>, Երևան, <Չանգակ-97>, 2002թ., 96 էջ,
2. Ասատրյան Մ. Ա. <Դպրոցամուտը երեխայի սոցիալական նոր միջավայրին հարմարվելու կենսափուլ>: Մանկավարժություն գիտամեթոդական, վերլուծական ամսագիր, 2011թ., թիվ 7,
3. Գասպարյան Յու., <Ժողովրդական ավանդույթները և սովորույթները հայ ընտանիքում/ սոցիոլոգիական հիմնահարցեր/>, Երևան, 2003թ., 172 էջ,
4. Թորգոմյան Լ. Վ., <Ընտանեկան դաստիարակության մի քանի սկզբունքներ և մոտեցումներ>, ՀՊՄՀ, Երևան, 2008 թ.,
5. Հայաստանի Հանրապետության օրենքը, պաշտոնական տեղեկագիր 12/78, 1999թ.,

6. Հինդիլյան Հ., <Անկեղծ էջեր, Գ հատոր>, Կ. Պոլիս, 1921թ.,
7. Սեդրակյան Ս. Ա., <Ընտանիքի հոգեբանություն>, Երևան, 2010 թ., 453 էջ,
8. Սուխոմլինսկի Վ. Ա., <Սիրտս նվիրում եմ երեխաներին>, Երևան , Լույս հրատ.,
9. Дереклеева Н. И., “Новые родительские собрания. 1-4 классы”, Вако, 2006 г., 334 стр.,
10. Дереклеева Н. И., “Справочник классного руководителя. 1-4 классы”, Вако, 2014 г., 237 стр.,
11. Дереклеева Н. И., “Справочник классного руководителя. 5-11 классы”, Вако, 2003 г., 271 стр.: